



經卷上

次名四部僧出長明會

後漢高僧沙門曇摩羅所譯

轉法輪品第一

阿難曰吾昔從伴聞如是一時佛在摩竭提界善勝道場无吉樹下德力降魔覺慧神靜三達無礙度二賈客提謂波利授三自歸然許五戒為清信士已惟昔先佛名曰定光拜吾佛名汝於來世九十一劫當得作佛字釋迦文号如來至真等正覺明行成為善逝世間解無上士道法御天人師衆枯度人如我今也吾從是來修治本心六度無極積功累行四等不勸高行殊異忍苦無量功報無遺大願果成

世尊念曰吾本發心指為群生梵釋請法甘露當開誰應先聞昔吾出家路由梵志阿蘭迦蘭待吾有禮二人應先念已欲行天承望空中自言彼二人者亡來亡日佛言苦哉阿蘭迦蘭甘露當開汝何不聞佛復惟曰甘露當開誰應次聞爾頭藍弗次應得聞方起欲行天復自言此人

者昨暮命終佛言彼人長裏甘露當開不得受聞生死往來何緣得息五道輪轉痛矣奈何佛復惟曰甘露法鼓聞于三千大千世界誰應得聞父三苦遣五人一名拘憐二名頽陞三名拔提四名十力迦葉五名摩南拘利供給麻米執侍勞苦功報應叙時五人者皆在波羅奈國於時如來始起樹下相好嚴儀明耀於世威神震動見者喜悅往詣波羅奈國未至中間道逢梵志名曰優吁瞻觀尊妙驚喜交集下在道側舉聲歎曰感五威人儀雅挺持本事何師乃得斯容佛為優吁而作頌曰

八正覺自得無離無所染愛盡破欲網自然無師受我行無師保志獨無伴侶積一行作佛從是通聖道

優吁問佛瞿曇如行佛告梵志吾欲詣波羅奈國擊甘露法鼓轉無上輪三界衆聖未曾有轉法輪還人入泥洹如我今也優吁大喜曰善哉善哉如瞿曇言者願開甘露如應說法於時如來便詣波羅奈國古仙人處與國

樹下趣彼五人五人遙見佛來便共議曰我等勤苦室家離別登山越嶺困苦疲極正坐此人供給麻米謂其巨堪因魔來戰是以委藏今故復來一麻一米我等不堪今起求食奈何能辦但為施坐各莫跪起言語問許也得此不樂必自去矣

是時世尊為其五人現道神足五人身踊不覺作礼執侍如前佛告五人共議勿起今作礼何謂五人悲對曰吾坐志達更歷勤苦悅頭檀王暴逆違道皆由於卿佛告五人汝莫卿無上正真如來平等覺也無上正覺不可以生死意待也何得對吾面稱父字又告五人汝觀吾身何如樹下五人答佛亦時憔悴今更光澤尔時處樹閉目端坐日食麻米猶謂非道况入人間身口自恣何謂為道佛告五人世有二事以自侵欺何謂為二教生姪洸恃豪貪欲極身勞苦內無道迹無是二事是真道人不於九十六術亦不捨遠是為取中無有兩際何謂取中得覺慧行遠於衆智六通悉覺具八

正行是名取中止宿涅洹

佛說是法五人未解三人分衛二人供養為說色苦一切衆禍皆由色欲衆好無常人亦無住譬如幻師出意為化愚者愛戀貪而無厭幻主觀化無染無著所以者何偽非真故佛為二人而作頌曰

忘蕩在欲行嗜欲增損我貪色慾禍長離欲則無患

三人供養二人分衛為說貪苦好利求榮迷愚所專害行毀德壹由於貪喜怒得失欲者無厭斯利危脆若三過寢老病死來非不分散譬如人夢寢則無見點能捨貪乃得大安佛為三人而作頌曰

貪欲意為田無厭心為種漸貪捨利求無復往來憂

於是世尊因廣說法不斷分部五人便解願為弟子佛言善來比丘皆成沙門佛告比丘行有二事為墮邊際一者念在色欲無清淨志二者猶愛著貪不能清志行是二事還墮邊行生不值佛遠遠真道若能斷貪精進

中本起經上卷 第四頌

脩明可得涅洹何謂涅洹先知四諦

何謂為四一日為苦二日為習三日

為盡四日入道如是比丘大持覺慧

一心思禪受道報應法眼以明解彼

四諦猶入道迹何謂為苦生苦老苦

病苦死苦憂悲惱苦恩愛別苦怨憎

會苦所求失苦要因五陰受盛為苦

何謂為習所愛者習不愛亦習何謂

為盡其所有愛覺知有滅不愛不念

而覺皆盡何謂入道入正為真一日

正見二日正利三日正言四日正行

五日正命六日正治七日正志八日

正定是為苦習以盡入道真諦是為

無生無生者無老無老者無病無病

者無死無死者無痛無痛者無上吉

祥向於涅洹於時如來而作頌曰

至道無往返玄微清妙真不沒不復生

是處為涅洹此要寂無上畢故不造新

雖有善惡皆莫如涅洹

說是法已拘憐等五人逮得法眼佛

告拘憐解未拘憐退席對曰未悟世

尊又告拘憐過去久遠時有國王名

曰忍生將諸妓女入山遊戲王令官

中本起經上卷 第五頌

屬住損山下唯從妓女步步涉山頂王

疾極卧諸妓女輩捨王取華見一道

人端坐樹下諸女心悅皆前作札道

人呪願諸妹那來命令就坐為說經

法王覺求諸妓女而見坐彼道人之

前王性妬害惡心內發便問道人何

故誘他妓女著此坐為卿是何人道

人王拔佩劍削其兩臂而問何人答

曰實忍辱人又截其耳鼻心堅不動

猶言忍辱人王見道人顏色不移便前

悔過道人告王汝今以女色故刀截我

形吾忍如地必得平等正覺當以一

切大智斷汝生死王悔罪深必獲重

映叩頭于地願見矜愍道人告王吾

真忍辱者血當為乳所截平復尋如

所言乳出形復王見忍證真必全濟

重宣情言若真道成願先度我道人

答可王解迷止辭退還宮

佛告拘憐尔時忍辱道人者我身是

也忍生王者拘憐是也解未拘憐拘

憐退席白佛甚解世尊說是法時拘

憐等五人漏盡意解皆得羅漢及上

中本起經上卷 第六頌

諸天八万逮得法眼三千世界為大
震動是為如未始於波羅奈國以無
上法輪轉未轉者大度一切莫不樂受
現變一作品第二

於時波羅奈城中有長者名阿貝利
有一子字曰地地音言寶時年二十

四福生奇妙有琉璃履著足而生父
母貴異字曰寶稱別作屋宇寒暑易

屢妓女娛樂不捨晝夜寶稱中夜歎
覺見諸妓女皆如死狀膿血流溢肢

節斷壞屋室眾具皆似塚墓為走趣
戶戶輒自開天地大冥唯觀小光趣

京城門門復自開明照度國尋光詣
佛瞻觀相好魏魏煌煌怖止迷解舉

聲歎曰久在恩愛獄縛者名色穢令
馳趣天尊寧得解脫不佛言童子善

來覺矣斯處無憂采行畢竟前礼佛
足却住一面佛為說法逮無垢法眼

退席白佛願為弟子佛言善來比丘
便成沙門明旦眾女不見地地周憶

遍求啜啼並泣大家驚恠問其狀寢
答言不知寶稱今為所在長者怖悸

即遣馬騎四出推索父宗子卓遠出

中本起經上卷 第七張 聯

中本起經上卷 第八張 聯

而求道過一水水名波羅奈渡水見
子寶稱脫置岸邊即尋足迹徑趣虛
園佛以方便令其父子兩不相見長
者見佛尊儀相好喜懼交至忘失將
敬而問佛言我子寶稱足迹趣此置
雲寧見佛告長者若子在斯何憂不
見佛為說法生死由業恩愛有離破二

十億惡入須陀洹寶稱心解便得羅
漢父子相見恩愛微薄長者歡喜退
坐白佛今日心悅情有二喜一者遇

佛解喜二者離愛快喜於時寶稱親
友四人一名富憐二名摩摩羅三名

憍炎鈴四名須陀洹寶稱已作沙門
驚喜毛豎曰其人德高明遠震震國吾

等咸歸今為沙門其道必真乃使斯
人忽棄榮利共出詣佛并省寶稱即

便俱行見佛景則乘本願行心喜即
解頭面作礼前白世尊飢渴道化虛

心日久不以鄙陋願為弟子佛言善
來比丘皆成沙門為說心本旨解清

淨聞義心了便得羅漢
是時波羅奈傍縣名曰荼有五十人

因事詣國聞寶稱富憐等皆作沙門

又各生念諸長者子輩憍樂自恣才
藝尚世皆感道化瞿曇必神乃令貴
族不復顧榮各各發念欲往詣佛即
便俱出往詣應園奉願應度見佛便
解頭為弟子佛言善來比丘悉成沙
門回順奉旨速成法要垢除縛解皆
得羅漢

於時應園中間有大眾會飲食歌舞
時有一女端正非凡於會中憐眾咸

喜悅意甚無量女憐未竟忽然不見
眾夫所歡惆悵屏營乃復於彼百步

現示大眾馳趣女引詣佛奄然隱焉
眾人問佛向者一女並憐至此瞿曇

豈見之耶佛告眾人且自觀身觀他
何為色欲無常合會有離如泡如沫

愚者惑著殃禍由生身為苦器眾生
皆然大眾心解願為沙門佛皆受戒

道現正諦皆得應真佛勸諸比丘汝
曹各行廣度眾生隨所見法示導攝

梁普施法眼宣暢三尊拔愛除有還
入泥洹吾今獨行詣憂為羅漢諸比

丘受教頭面礼足繞佛三匝於是別去
化迦葉品第三

中本起經上卷 第九張 聯

於是如來還詣摩竭提界至優為羅
縣暮止梵志斯奈園明旦持鉢詣斯
奈門佛現金光照其堂上梵志二女
長名難陀次名難陀波羅見光喜悅
尋詣佛所札拜請佛如來昇堂教授
二女歸命三尊授五戒已世尊告曰
身非已有万物歸空二人心解首戴
奉行世尊惟曰吾今起學欲度眾生
欲界魔王歸伏道化近泥蘭憐河邊
有梵志姓迦葉氏字鬱俾羅年百二
十名聲高遠世人奉仰修治火祠晝
夜不眠好學弟子有五百人迦葉二
弟宗師其兄謂為得道各有弟子皆
居下流迦葉自念吾名曰高國內注
仰術淺易窮窮則名顯當作良策全
國大埜便行求龍以術致之為作靖
室而鞠龍曰若有輕窾入靖室者吐
火出毒以滅來者龍至節會無不放
火遠近僉言大師道神迦葉由此切
名曰隆世尊念曰吾昔出家道逢濟
沙擔要道成先度脫我吾用一切故
即便然可今察民心普注迦葉平未
可迴辟如果美樹高無因得食唯有

中本起經上卷 第十張 曉

伐樹根僻枝從食果必矣一切所忌
咸在於龍吾先降之迦葉來從余乃
大道所化無崖如來言曰日照天下
其德有三一日光耀除冥無不分明
二日五色雜類宣叙其形三日開發
萌芽萬物精榮如來出世亦有三焉
一日一切大智照除愚冥二日分部
五道言行所由三日摧慧拯濟利而
安之衆祐念已便行起於斯奈園授
菩薩造迦葉未至所止便現金光樹
木土石其色若金迦葉弟子持瓶取
水觀變心動悟而願望遙見世尊明
耀天下不識何妙馳走白師師徒皆
出世尊威神明儀煌煌迦葉情悻悻
蒙不悟即自惟曰若是日耶吾目得
速謂是天人其目復眴後思乃解曰得
無是白淨王子悲達者乎吾歷數三
白淨王子福應聖王不樂榮位嘗得
作佛昔聞出家其道成乎如來忽到
迦葉大喜善來隨從云起當安佛為
迦葉而作頌曰
持戒終老安 信正所止善 智慧寂安身
衆惡不犯安

中本起經上卷 第七張 曉

迦葉曰佛唯願屈德臨助蔬食佛答
迦葉古佛道法過中不飯且明至心
欲說一事庶不有怯迦葉答曰恨無
信緣敬德虛心佛告迦葉欲寄一宿
寧見客不迦葉曰佛我梵志法寢不
同宜幸恕不受巨命如何佛指靖室
此復何室迦葉答曰中有神龍性急
妬惡有入室者每便吐火燒害於人
佛告迦葉以此借我迦葉答曰實不
有愛恐龍為害耳五百弟子屏營悚
息恐師許佛重借滿三迦葉惟疑意
益無遠懼必禍耳佛告迦葉三界欲
火吾已滅之龍不害我也迦葉答曰
瞿曇尊德尊能居隨意即捨威神便入
其室五百弟子信龍為害莫不涕淚
可惜尊人為龍所害佛坐須臾龍從
室出吐毒繞佛如來化毒皆使為華
龍見其善作華繞佛怒盛吐火謂能
為害熱氣歸龍龍鬱悶欲死舉頭視佛
見相知尊涼風趣龍尋涼詣佛火滅
毒除歸命入鉢於是如來便現火光
炯然照天迦葉弟子直起瞻候見佛
光明謂是龍火舉聲悲呼可惜真人

中本起經上卷 第十張 曉

竟被龍映迦葉師徒驚共奔出五百弟子同聲責師天地開闢未見人類妙如瞿曇可尊可貴恨不執觀何緣復見垂淚救眼而作頌曰

密顏紫金耀 面滿髮紺青 大人百福德 神妙應相經 方身立丈六 姿好八十章 頂光燦幽昧 何駛忽無常

後來弟子謂火害佛悲嘆哀慟瞿曇被害我生何為躡身赴火清涼和調還願白師瞿曇無恙本謂龍火定是佛光師徒騷擾側息達明清旦如未持鉢出室迦葉大喜曰大道人猶存耶器中何等佛告迦葉所謂毒龍已降受法五百弟子貪言佛神迦葉內伏恡惜名稱耶復貢高大道人實神雖尔未如我已得阿羅漢也

迦葉白佛願大道人留止欲相供養明旦作飯自行請佛佛言便去今隨後到迦葉適還佛如人屈伸辟須東適弗于逮數千億里取樹果名閻遏滿鉢而還迦葉未到已坐其牀迦葉問佛大道人從何往來佛言卿去後吾東到弗于逮取此果名閻遏香美可食

中本起經上卷 第十三經

佛飯去已迦葉念曰大道人雖神故不如我道真明日食時復行請佛佛言可去今隨後到迦葉旋還佛南行極閻浮提界取果時登勒威滿鉢還迦葉未至已坐其牀迦葉問佛何緣先到佛言南行取此美果可用愈病佛飯去後迦葉而念此大沙門實神奇妙明日迦葉復行請佛佛言今隨後到佛西適拘耶取阿摩勒果滿鉢而還迦葉未至已坐其牀迦葉問佛復從何面來答曰西詣拘耶取阿摩勒果汝可食之佛飯已去迦葉復念是大沙門所作實神明日迦葉復行請佛佛言今隨後到迦葉又顧忽不見佛佛已到北方鬱單曰取自然粳米迦葉未至已坐其牀迦葉問佛復從何來佛答曰北適鬱單曰取此粳米卿可食之佛飯去後迦葉獨念此大道人神妙乃尔明日食時佛持鉢自到其家取飯而還食已欲澡漱口無水天帝釋即下以手指地自然成池迦葉誦時仿佛見池恠而問佛何緣有此佛告迦葉朝得汝食欲漱無水天帝指地

中本起經上卷 第十四經

成池給用當名此池為指地池迦葉念曰大道人神妙功德無量後日世尊移近迦葉坐一樹下夜第一四天王俱下聽佛說法四天光影明如盛火迦葉夜起見佛前有四大清旦問佛大道人亦事火乎佛言不也昨夜四天王來聽說法是其光耳迦葉復念是大沙門極神乃致此天雖尔故不如我道真明日第二天帝釋夜來聽法帝釋光明倍於四天迦葉夜起見佛前光意而獨念佛故事火也平旦問佛得無事火明倍昨夜也佛言帝釋來下聽受經法是其光耳後夜第七梵天又下聽法梵魔光景倍於帝釋迦葉見光疑佛事火晨朝問佛大道人必事火也佛告迦葉第七梵天昨夜聽法是其光耳迦葉自念是大沙門威神感動天梵下降迦葉五百弟子人事三人凡千五百火明旦燃之火了不燃恠而白師師曰必是佛所為耳馳往白佛我五百弟子今朝燃火了不肯燃是佛所為乎佛告迦葉欲使燃不問之至三對曰欲使燃佛言可去火當燃應聲皆燃

中本起經上卷 第十五經

迦葉復念是大道人至神乃余

迦葉自事三火明旦然之及不可滅
五百弟子及諸事者助而滅之了不
可滅疑佛所作便行白佛我自事三
火不可得滅佛言欲使滅乎曰實欲
便滅佛言火可當滅應聲即滅迦葉
念曰大道人極神至妙所作皆諧後
日迦葉五百弟子適共破薪各各舉
斧皆不得下懷行白師師曰是大沙
門所為即行白佛我諸弟子向共破
薪斧舉不可得下佛言可去斧當下即
下得用迦葉念曰是大沙門神則神
矣後日佛還樹下見棄柴衣念欲泐
之天帝釋承佛聖旨到頗鄰山上取
四方石一枚六方石一枚給用泐曬
迦葉遊觀見池邊兩石恠而問佛今
此池邊兩石妙好此從何出佛告迦
葉吾欲泐濯及當曬衣天帝送石以
給吾用迦葉復念瞿曇神德莫不感
動佛後入拍地池澡浴畢當出無所
攀持池上有樹名曰迦和絕大脩好
其樹曲下就佛佛牽出池迦葉見樹
曲下恠而又問佛佛告迦葉吾朝入池
將欲出水樹神垂枝令吾牽出迦葉

中本起經上卷 第十六

復念是大道人至德多感大樹垂下
佛欲令迦葉必伏便入泥蘭禪河其
水深駛佛以神力斷水令住高出人
頭使底揚塵佛行其中迦葉見佛入
水恐其沒溺即將弟子乘船救佛見
水隔起其下揚塵見佛大喜大道人
尚活耶又問欲上船不佛言當上佛
念當實船底入令無漏迦葉大驚是
大沙門妙化難名時摩竭提國王吏
民以歲會往詣迦葉相樂七日迦
葉心念佛德聖明眾人見音心阻棄
我今其七日不現快乎佛知其意即
隱七日三十八日迦葉又念今有餘作
供佛快耶應念忽至迦葉大言適念
欲相供養來何快耶聞者都行今從
何來佛告迦葉汝心念言佛應聖明
眾人見之必阻棄我今其七日不現
快乎是故隱耳汝今念我是故復來
迦葉心念佛真至神誠知人念佛知
迦葉心已降伏便告迦葉汝非羅漢
不知真道何為虛妄自稱貴乎於是
迦葉心驚毛豎自知無道即稽首言
大道人實神聖乃知人念寧可得從

中本起經上卷 第十七

大道人神化棄受經戒作沙門耶佛
言大善報汝弟子卿是國師今入法
眼豈可獨知乎迦葉受教願謂弟子
汝問與我共觀神化吾始信解當作
沙門汝等何趣五百弟子同聲對曰
我等所知皆大師恩也師所尊信願
皆隨從即時師徒俱共詣佛稽首白
言我等皆有信意願為弟子佛言善
來比丘皆成沙門迦葉表揭水瓶杖
長諸事火具悉棄水中是時迦葉二
弟次日都提迦葉幻曰迦耶迦葉各
有二百五十弟子廬舍止處列居水
邊見諸梵志衣被什物及事火具隨
流漂下二弟驚愕恐兄及諸弟子為
人所害即從門徒順河而上見兄師
徒皆作沙門恠而問曰大兄年高智
慧明遠國王臣民所共宗事我意謂
兄為得羅漢及捨梵志道學沙門法
此非小事佛道豈尊德獨高乎迦葉
答曰佛道取勝其法無量雖我世學
未曾有得道神智如佛者也二弟聞
此各謂弟子吾欲從兄汝等何趣五
百弟子俱發聲言願如大師皆即稽

中本起經上卷 第十八

首求作沙門佛言善來比丘皆成沙門

於時如來與千比丘詣迦耶志大聚樹下坐而入三昧忽然不現從東方來沒於樹下四方亦亦踊住虛空而不墮墜身出水火升降自由諸比丘仰頭喜悅不覺如來還處本坐無有覺者比丘歡喜前禮佛足退席白佛此示現者名曰何等佛告比丘是者名曰神足示現又有教授示現比丘諦聽心意識行因緣奈著決正分部名曰教授示現又有說法示現比丘諦思自愛色為衰六情所愛為衰莫不止便苦生何謂苦生姪怨癡火起便有痛痒老病死畏是為說法示現佛說法三轉時千比丘漏盡望斷皆得阿羅漢佛為比丘而作頌曰
今者千比丘 長老有尊德 改邪修正見 無想入禪慧

說是法時天龍鬼神莫不樂聞
度瓶沙王品第四

於時世尊欲詣羅閱祇度於君民即日畢闍祇王遣使者奉命詣佛修敬盡恭禮畢陳言國主瓶沙階首坐前近承釋

中本起經上卷 第十九張 聯

尊道成号佛天人雜類應賴過時伏惟世尊興利康寧願垂覆育照臨鄙國飢渴聖化虛心踊進哀矜群庶令得解脫佛勅比丘汝等速嚴當就王請比丘受教嚴畢翼從使者馳白世尊以願將千比丘僧令頻須波羅致樹下去城四十里王即案先王遺令若佛入國當自出迎迎之者得福無量即便勅嚴車千乘馬万疋從人七千嚴畢升車出宮趣城城門自開車馬俱躡王甚驚怖懼有大灾吾罪重矣而有斯禍空中聲曰王宿願人今繫在獄指要相連是使門閉即便大赦解放囚人門霍自開得詣佛所王遙見如來相好光光即便下車却從解劍佛知瓶沙性慍辛剛強言高欲令速能化王從者儀或若王瓶沙頭視從者似已無異懼佛不識頭面礼足右繞三匝礼畢自陳我是摩竭提王瓶沙身也如是至三佛告王曰吾知卿心何但卿形瓶沙大喜即退就坐群臣庶民各盡其敬中有作礼者自名字者直指拜者礼畢却住佛命令坐受

中本起經上卷 第二十一張 聯

教就席佛告瓶沙宿福為王今復增益使王國界人民忠孝富樂無憂福護有德吉無不利眾會有疑鬱得迦葉名聲先達今與佛俱誰應作師佛察眾念便告迦葉其有救生祠祀欲望其福寧能得不入於山中求道無師能得道不迦葉白佛救生祠祀不得其福天神不食然者得罪學道無師道終不成迦葉白佛我前事火晝夜不懈勤苦積年好街弟子凡有五百人精銳燃火不避寒暑年者根熟求無易驕先人傳感以授後生自稱是道唐苦無報今得佛教洗浣心垢已得羅漢佛告迦葉現汝羅漢神足迦葉受勅即入靜定身外虛空去地數丈從腰以上火腰以下水更從腰以上水腰以下火以水雨火衣燥不乾住空現變出沒七反從身出光五色赫奕飛從東來沒佛坐前四方上下化現亦亦變畢叉手長跪白佛弟子迦葉蒙佛慈恩解脫罪縛如來特尊三界頂受佛為迦葉而作頌曰
若壽百歲 奉火修異術 不如尊正諦

中本起經上卷 第二十一張 聯

其明照一功 若壽百歲 學邪志不善 不如生一日 精進受正法

王及群目乃知迦葉是佛弟子佛告 瓶沙天下人眼不但視色苦樂無常 身不得久天下人意多惡少善思想 万端趣欲快意能棄此志亦可得道 功齊迦葉無以豪貴自恣其情無以 自在貪婬無厭無以豪強侵陵弱者 無以瞋怒狂然無過莫隨遲心莫隨 貪心莫隨怒心息惡令善信守真言 當念死劇者病苦劇思惟所行亦復 可得迦葉神足若眼視色心當却却 好醜不動耳聽眾聲心當制持無所 喜怒鼻齕香臭心當制伏情無所著 口貪眾味心當棄持想無所起身更 所著心當制止識無綺可五陰外未 制者由心六情無主陰義無名迦葉 功德修之便是人生受形多憂苦惱 飢渴寒熱愚計為樂智士見苦妻子 榮利世人迷惑凡此眾事無不分散 千歲万年皆歸磨滅佛為瓶沙而作 頌曰

夫為世間將 順正不阿枉 矜道示礼儀

中本起經 卷第二 頌 頌

如是為法王 多慈善怒正 仁愛好利人 既利以平均 如是眾附親

佛告瓶沙王作宮舍從來幾歲王顧問 傍目傍目對曰造起宮舍七八百年佛 問諸目凡更幾王目即對曰二十餘王 佛問瓶沙皆識諸王不瓶沙答曰唯 識我父不識先人佛告瓶沙但地有 常人無常也人自愛身者不當殺害 於命不當誹謗有道眾生生死皆由 恩愛父母自言是我所生是我之子 子非父母所致皆是前世持戒免具 乃得作人為惡行者死墮地獄畜生 餓鬼自從行致不由他生罪福明 正王甚思之佛告王曰兒在胎中若 有盲聾母豫知不耶王答佛言實不 豫知佛言此兒宿命罪行使然非父 母過兒在胎中若其聖明母不豫知 皆由履行清純非父母大此理明驗 王善惟之世人得罪其行有三口言 傷人身行暴害心專妬嫉能檢此三 雖未便得泥洹天上人中豪貴自由 原於人本從癡有形從形生情從情 生識從識生欲從欲有父子從父子

中本起經 卷第二 頌 頌

生恩愛從恩愛生憂悲憂轉五道無 有休止人亦不知生所從來死所趣 向不識其根各相字名言是父是子 唯得道者乃知其原生死因緣本從 癡起一切無常大王受持

佛告瓶沙若國善人謹順忠孝廉貞 敬讓才博智遠不犯王法本非貴族 王何異待王答佛言姓名顯達擇能 授職佛告大王道法無親唯善是輔 成持五戒名清信士精進直入見諦 不迴便得須陀洹斯陀舍阿那含阿 羅漢各因本心道位次叙佛說是時 王及國人一萬二千諸天八萬皆見 道跡佛告瓶沙王來已久宮遠早還 牛馬人從停住勞疲比於後日吾當 詣城王起礼佛受戒而退群目從官 書前受戒當王群目受五戒時内外 人馬寂然無聲諸婆羅門感化心伏 皆前受戒歡喜而退王升車已群目 跪賀大王功德值佛出世并令臣等 沐浴清化瓶沙歸宮教勅宮內奉齋 持戒國內一切信解歡喜忉利天帝 華散佛上於時坐中有豪長者名迦

中本起經 卷第二 頌 頌

蘭陀心中念言可惜我國施與尼捷
佛當先至奉佛及僧悔恨前施未為
棄指長者至心卧不安席先福追逮
福德應全大鬼將軍名曰半師承佛
神自知其心念即召閻叉推逐尼捷
裸形無耻不應止此鬼既奉勅極打
尼捷拖拽器物尼捷驚怖馳走而言
此何惡人暴害乃尔鬼師告曰長者
迦蘭陀當持竹園作佛精舍大鬼將軍
半師見勅逐汝輩耳明日尼捷共詣長
者深責所以何改改施令吾等類被
乎委頓不謂長者見困如此迦蘭陀
心喜吾願遂矣佛聖廣覆照我至心
即答尼捷曰此諸鬼師強暴含瞋懼
必作害不如委去更求其安尼捷慙
恨即日惠去長者歡喜修立精舍僧
房坐具泉嚴都畢行詣樹王祠慶請
佛及僧眾祐受施止頓一時大化普
濟靡不欣樂

舍利弗大目犍連來學品第五

佛在羅閱祇竹園精舍與大比丘僧
千人俱皆得應真壽俾羅等彼有一
卿名曰都羅陀故有梵志字曰沙然

中本起經上卷 第二十五講

精修仙行延納來學好仙弟子凡有
二百五十人門徒之中有二人高足
難齊一名優波替次曰拘律陀才明
深遠研精通微妙然得病自知將終
告於二賢此諸新學志存道行累仰
二人必令全志二人敬諾受教奉行
是時世尊勅比丘類陞汝行宣化往
必有度所可見者其智明遠自捨如
未無能異論若與相見直說法本勿
與酬酢以致其咎類陞受勅整服持
鉢禮佛而行時優波替從諸弟子相
隨遊觀遙見類陞威儀摩推未曾聞
觀何所法像被服改俗須至當問二
人俱前相遙中路便問類陞章服反
常何所從出豈有師宗可得聞乎於
時類陞以頌答曰

我年既幼推學日又初淺豈能宣至真
如來廣之義一切諸法本因緣空無三
息心連本源故号為沙門

優波替方聞法義尋思至理而自惟
曰吾小好學八歲從師至年十六古
仙道術靡書不綜十六大國謂吾廣
博未曾聞斯真要之義今偶出遊遇

中本起經上卷 第二十六講

此實藏此言之妙美於甘露心寤意
解便逮法眼旋還精舍欣悅無量拘
律陀見波客悅疑得甘露即問優波
替得甘露耶勿違本要惠及少優
波替具向拘律陀說所聞偈一聞不
解弄說乃了尋思反覆亦得法眼二
人議曰本願甘露今得服嘗寧可共
詣大沙門所就彼海洲沐浴清華
議合心同嚴辦當發拘律陀念曰吾
師臨終囑授弟子今吾成濟今便委
棄義所不安便告弟子彼大沙門有
甘露仙化壞裂俗網息心寂行吾欲
啓請窮微反真汝將何趣門徒對曰
今得親聽是大師恩大人宗仰承命
願遂貪羨甘露願從下風師徒志合
即出所止往詣竹園於時世尊告諸
比丘今有二賢從諸弟子乘本願行
欲作沙門勤成其功者類陞力也比
丘承教延望其眾憂波替拘律陀等
遙見如來相好暉光神動情震自惟
歎曰幸哉余生得奉清誨其榮難云
延趣坐前頭面禮佛禮畢嘉歡重喜
無量斯須乃進具陳情言替等罪業

中本起經上卷 第二十七講

隨流入剎始於今日反俗極源願蒙
接納得充僧次即便許可頭髮自落
皆成沙門佛告諸比丘此二人者願
於古佛待吾道成侍衛左右佛謂憂
波替高世之号花而不實復汝本字
為舍利弗拘律陀還字大目犍連因
本說法速得羅漢佛勸侍者古千
比丘暮當結戒不得他行即夜行等
數得千二百五十人佛結戒竟比丘
歡喜莫不肅然礼佛而退

還至父國品第六

於是如來將歸舍夷與大比丘僧皆
得應真神靜通徹明曉三世衆生行
源賢者舍利弗大目犍連憐憐迦葉
都提迦葉伽耶迦葉等一千二百五
十人是時迦維羅越王聞頭陀達梵
志憂陀耶來詣竹園請佛還國余時
三愛陀耶見佛相好明暉天地五情
喜頭腦礼足却住一面心意齊整長
跪白佛父王遠謝志遠聞汝道成復
度一切我獨不蒙本要當還今故遣
使佛問憂陀父王起居安不憂陀白
佛大王無恙唯思世尊佛告憂陀樂

此道不憂陀對曰甚樂世尊佛授憂
陀使作沙門授其法戒憂陀自念今
為弟子無緣復還王須消息因誰報
命佛知憂陀心念欲還行矣憂陀莫
親世業應著故家憂陀白佛佛當還
至舍夷國不佛言當還憂陀受勸退
跪白佛不審何日當至佛告憂陀却
後七日必至舍夷憂陀歡喜礼佛而
去於舍夷憂陀耶還至舍夷詣宮求通
門監白曰憂陀使還在門求見王教
推問吾望憂陀如渴欲飲何故稽停
方白求通推應坐者反覆至三然後
乃前王見憂陀已受法服而問憂陀
卿作沙門耶憂陀答曰以服佛法王
問憂陀志遠在宮與卿獨親入出周
旋無所闕白今使來還何得自外詣
門求通耶憂陀答王佛教比丘莫親
白衣應於家居道俗異故王問憂陀
吾子在宮衣服極好今者為道所著
何衣憂陀指衣所服如此三即墮浚
曰志遠在家吾為作衣七寶刻鏤極
世珍妙於今屋室何如我許憂陀答
王常處樹下詣佛世尊道法皆余三

問憂陀吾子在宮茵褥純經錦綺
軟令所坐具皆有何等憂陀答王所
坐用草清素除貪王問憂陀志遠在
家吾為作厨甘肥衆美今所飯食復
有何物憂陀答曰至時持鉢往福衆
生食無餘細呪願施家王聞是語即
復流淚王問憂陀志遠眠時吾欲令
與琵琶琴絃歌然後乃寢今在深山何
用覺乎憂陀答王如來三昧無有晝
夜王問憂陀吾子在宮若其澡浴八
種香汁若今澡浴皆有何物憂陀答
王八解正水以洗心垢王問憂陀志
遠在國栴檀麝合以塗子身今者為
道為何物憂陀答王戒定慧品香
熏八難王問憂陀志遠在家吾為作
牀精寶四種於今所坐何物用作憂
陀答曰四禪為牀息心無欲王問憂
陀吾子在宮士衆衛侍今者侍從復
有何人憂陀答王學道弟子名比丘
僧翼從世尊凡有一千二百五十人
俱王問憂陀志遠在家若其出遊車
有四品牛羊為馬以充騎乘於今出
度何所駕乘憂陀答王四諦神足乘

駕飛仁王問憂陀吾子行觀幢魔頂
鵬以為光飾今者憐幟復有何物憂
陀答曰四恩慈悲廣飾群生王問憂
陀悲運每出推鍾鳴鼓觀者填路今
者遊止有何音響受陀答王佛始得
道往詣波羅奈國擊甘露法鼓拘絳
五人逮得羅漢八万諸天皆入道迹
九十六種靡不欣伏無上法音聞于
三千大千世界王問憂陀悲運今者
欲領何國憂陀答王世尊所領不可
稱道教授衆生無不蒙度等心普濟
無所適處王問憂陀吾子在國思陳
正治助吾安民動順禮節莫不承風
今者獨處思憶何等憂陀答王世尊
惟空苦樂非真有者歸盡神靜無為
王聞是言矣悲運一切皆有汝何
言無反矣悲運與人為憐憂陀白王
正使智人滿於天下人有百頭頭有
百舌舌解百義合此人數稱讚如來
弥盡竟劫不宜其德况我所說遠不
及一唯佛與佛其德乃彰王言善哉
佛當來不何日能至憂陀曰言七日
當至王大歡喜即勅群臣再當迎佛

道從函薄壹准聖王出入法則平治
道途香汁灑地城中街巷盡堅幢幡
其所修治光飾盡宜車馬人從限四
十里其日世尊起於訂回與比丘僧
千二百五十人俱咸伸感動諸天侍
從始入舍衛路由一水名阿耨那度
水上岸神通照察深知調達惡心內
興必難開化當現神足令其信伏即
升虛空去地七仞足若蹈地其實王
空佛告比丘見波車馬五色嚴嚴正似
天帝出遊觀時令時衆人見佛及僧足
步其地即觀足跡慶在空中於上稍
下正至迎次與人頭有剛強羅伏歸
命和南唯有調達獨與惡念子行二
道但作幻術惑人如是吾亦當復作
術廣化衆人於是父王遙見佛來受
敬交至一者敬道二者愛子即下為
車解綽却蓋涕淚趣佛頭前礼足而
頌讚曰

生時緣福德 瑞應三十二 樹傾敬稽首
道成令三礼
於是父王以偈問佛
子本在吾家 駕為名寶車 今者足蹈地

是苦安可堪
今時世尊以偈答曰

車馬生死乘 危嶮安可久 衆駕五通馳
所至無限身 本著七寶衣 弥妙甚雅好
剃頭被綈服 如何不羞耻 慚愧為衣服
世衣增塵垢 法衣真衣服 息心名如來
半用金銀累 衆味甚香美 今者行乞食
無惡安可咽 法味為道食 飢渴今已除
衣世故行乞 持鉢福衆生 本處別宮中
家宮故侍衛 獨在山樹間 如何不恐懼
生死悲畏除 今已入本無 無憂無喜想
所止名道場 本在我家時 澡浴名香汁
慶於山樹間 何物洗身垢 道藏為浴池
正水滿土剎 浴已三毒盡 三速快無雙
於是父王請佛及僧令詣王園永為
精舍佛受王意便入精舍坐丘拘類
樹下廣說教法七日不憚聽者歡喜
中有發大乘者有樂辟支佛行者有
發羅漢意者有作沙門者各隨發心
如行所得城內母人各生善念悲泣
白王世尊還國男子福德獨得見佛
我等罪蔽不服法味何苦如是佛知
母人一切心念讚言善哉乃生好心

願樂聞法真得度苦佛便語王法無難值道教難得可勅國內諸母人輩樂聞法者使出聽受王即宣令欲見佛者聽城內母人咸喜俱出詣佛禮拜訖而却住於是世尊如應說法各歸了達得法眼王及臣民歡喜札佛而退是時諸比丘白佛言舍夷國內男女長幼聞佛說法如心所念各得其決父三俱聽不記而得佛告比丘父王恩受未惠父子相待教心未全是故不得明旦來唯將目連往詣王宮上殿而坐佛勅目連現汝道力目連受教飛升虛空出沒七反身出水火從上下来下前札佛足却侍於左父王見變心竟解悅恩愛漸滅敬心內發起前札佛甚善世尊弟子功德猶尚乃尔如來威德難可度量便發無上正真道意是時父王每詣佛所見迦葉等千人形體至陋每心不平此等比丘雖復心精無表容貌當勸宗室樂無為者令作沙門擇取端政即令宗族明日會殿受令即到王告宗室曰阿夷相言佛不出家當作聖王君

中本起經上卷

第三十三卷

四天下左右侍從率當端政今諸弟子類無安觀今欲札姊有道德者足者充備僧數光暉世尊咸言大善聽令歡喜乞退嚴辦七日乃行調達便告行者吾等王者子弟今棄世禁出家居道悉頓服飾極世之妙為馬車垂價直万金其日嚴出觀者填路調達狂憤自然墮地衢和離身所乘為馬四所布地而作鳥鳴焉乎占曰餘皆得道二人不吉俱詣佛所志作沙門剛強降伏莫不樂受

中本起經卷上

甲辰歲高麗國大藏部監奉勅雕造

中本起經上卷 第三十三卷

中本起經卷下

後漢西域沙門當果共唐孟詳譯

須達品第七

佛從本國與比丘僧千二百五十人俱送於王舍國竹園中長者伯勤承佛降尊馳詣竹園五心礼足逡巡恭住整心白佛唯願世尊願下薄食佛法默然已為許可長者欣悅接足而退還家具膳莊嚴幢幡親自執事極世之味舍衛長者名曰須達與主人伯勤雖未相見每信相聞行同德齊暹揖為友須達因事來行推親往造伯勤親供不容得出須達踟躕殊久呼使而曰吾故遠至以展不面虛心在昔馳散所懷不謂今日見薄不偶迦蘭迦事訖乃出相揖而坐不在昔屈辱臨顧傾企之情有兼來趣明請大賓執事自逼是使乃心滯而不叙善溫問曰何謂大賓為是瞽姻國節會耶答曰同志卿不聞乎白淨王太子入山六年道成号佛威相明遠神明燭幽方身丈六華色紫金明耀於世吐法

陳戒精義入神所從弟子名比丘僧
居靜正身修德履道忽榮棄利裁曰真
人凡有一千二百五十人俱善溫聞稱
佛聲舉身毛豎心喜交臂逸豫待明
五情內驗轉側不寐至誠感通中夜
霍明即便嚴出方向城門顧見城左
有神祠舍名曰漂披過往跪拜礼畢旋
顧查便更冥善溫惶惑不知所趣雖有
此變心猶存佛承其至心恐畏消除空
中聲曰善哉須達心至乃令即問空聲
為是何神便答之曰吾是子親摩因
提也問曰卿生何許奚為此問即而
答曰吾昔從佛神足弟子大目捷連聞
說經法因此福報得生第一天上功德
甚少別使典此見卿至心來相佐助
佛者至尊舉足中間福祐難量恨吾
生存不獲覩佛如今所見明驗真諦
天放光照於竹園善溫尋光通見
如來踰於所聞前拜却住微心視相
而問於佛神尊寧安耶佛為須達而
作頌曰

無憂無喜相心虛清淨安已能無所生
見諦入泥洹覺正念清明已度五道淵

中法起下卷 第三十

思愛斷緣 永寂悅復安

長者須達聞說是時因本功德便發
淨意遠得法眼歸命三尊誥受五戒
為清信士前白佛言唯願如來臨時
舍衛教授一時濟度君民世尊又曰卿
姓字何乎長者跪對曰鄒字須達侍養
孤老供給衣食國人稱我給孤獨氏
佛而告曰彼有精舍容吾果不對曰
未有長者須達承佛聖旨進前長跪
而白世尊余能堪任興立精舍唯須
比丘監臨處當顧勸舍利弗拉行營
佐即受教命作礼而退還彼舍衛同
行求地唯祇園好果果流泉奇鳥翔
集地夷木茂去城又近因往守請祇
了無意求之不止意而言曰若能以
金錢集布滿園余乃出耳重問客實
余不祇謂價高子必不及戲言決耳
復何疑哉須達辭還載輦送錢園坐
不聽走白大家須送錢不吝內不
報勅因監吾自戲言送錢勿受二人
共譏舉國耆老馳往諫止耆老斷當
地價已決不應得悔國政清平祇不
違法即聽而錢門裏不同歡意喜曰

中法起下卷 第三十

三這得國矣這人催皆須達自從
共詣園觀听思未周意憤不樂祇
曰國賢若悔便止答言不悔思得
伐截畢地直耳祇心惟佛必是至尊
能侵斯人竭財不快可戴可仰神妙
如此便謂須達勿復足錢餘地質樹
共立精舍須達即言善哉許諾便與
功夫僧房坐具牀檣首楞極世之妙
和施幢幡香汁灑地俗辦供具兼饋
重饌燒衆名香通跪請佛唯願如來
枉屈尊神

於是衆祐與大比丘僧千二百五十
人俱還於舍衛國應須達請感神震
動國內咸喜男女大小填路而出給
孤獨氏及三弟祇陀前礼佛足共上
請舍佛受呪願故曰祇樹給孤獨園
三國有事急召須達赴行應會事訖
馳還奉齋蓋恭却從步涉中路有人
奉酪一瓶顧無所使自提而行前逢
梵志請令持之共詣精舍手自斟酌
願命梵志受便斟酌飯訖行澡儼然
聚法一切歡喜稱善無量
梵志善還齋不食婦恠而問不容

中法起下卷 第三十

何恨答曰不惠吾齋故耳婦重質之何從齋來梵志答曰給孤獨氏於園飯佛請吾往齋齋名八閩其婦流淚忿然急曰君毀遺則禍此興矣瞿曇亂法奚足採納迫斷不已便共俱飯梵志壽終於夜半生於瞿多羅衛國作大澤樹神時有婆羅門等五百人欲詣恒水三祠神池沐浴穢希竺神仙中道乏粮遥望彼樹想有流泉馳趣樹下了無所見窮困斯澤飢渴委厄樹神人現問梵志曰道士都來今若行耶同聲答曰欲詣神池沐浴望仙今日飢渴幸哀矜濟樹神即舉手眾味流溢眾飯飽足詣神請曰何等功德致此巍巍神答梵志吾因舍衛給孤獨氏持八閩齋為婦所欺不辛其業來生斯澤作此樹神若終齋法福應生天余時樹神而作頌曰

祠祀種樹根

日夜長拔條

唐苦貳身本

法齋度世仙

梵志聞偈迷解信受旋還舍衛路由一國名拘藍屋國有長者字瞿師羅

中本起經下卷

第三卷

頌

這求宿美音問曰道士何來今欲所之具陳彼澤樹神功德欲詣舍衛造孤獨氏攢採法齋冀遂本志美音喜躍宿行所追思緣欲行明旦宣令宗室及所親愛誰能共行受齋指式合五百人然應命本願相引感義歡出行詣舍衛未至祇洹道遠須造往造佛所過而不識顧問從者此何大夫對曰給孤獨氏也梵志眾等喜而追曰吾願成矣求人得人馳趣相見同聲歎曰久承令懿注仰虛心聞有遺訓八閩齋法故遠投託幸蒙示導須遠止車答曰吾有大師号曰如來眾枯度人近在祇洹可共俱進造觀世尊聞命敬諾恭肅盡虔還瞻如來情喜內發五體投地退坐一面緣察本心自說法要五百梵志得阿耨舍便作沙門美音宗等遠得法眼

中本起經下卷

第六卷

頌

緣見吾便解比丘歡喜盡受奉行美音心念欲請世尊佛知其念而告之曰彼無精舍汝願不遂美音悅解喜前白佛我有別宅願為精舍唯哀垂放潛度群生乞退還國脩脩所供頭面接足礼畢而去

本記該容品第八

尔時如來與比丘僧千二百五十人俱從舍衛祇洹遊於拘藍屋國美音精廬足蹈門閤天地震動珠璣樂器不敵自鳴盡毒隱伏吉瑞和清當尔日也境界人民靡不敬肅渴仰世尊是時國王名曰優填迨暴侵冠開納佞言就崇女樂疑網自沉又置大夫二人左右番上二后安客一國少雙左夫人字照堂為人慍傲唯惡是從譏疾賢良諧入無厭右夫人字該容就行仁愛虔敬肅恭清素約己文不加身三孫其孫每事私焉照堂懷嫉諧之至深王察其行不納其言該容有長老青衣名曰度勝恒行市香因歸問評路由精舍每過修敬減省香錢合集寄聚便行飯佛及比丘僧

中本起經下卷

第七卷

頌

佛為說法書心不忘施訖還宮過肆
取香因此切福本行所追香氣熏聞
斤兩倍常詰問理窮任實首情每減
香錢飯佛及僧法深義妙非世所聞
該密聞說佛聲悚然心歡喜自念曰
吾心喜踊何因得聞無量法乎即告度
勝試為我說度勝曰日身賤口穢不敢
便宜如來尊言先行詣佛受勅而還便
遣出宮宣告之日具受儀式度勝未
還夫人侍女側息中連佛告度勝汝
還說法多有度者說法之儀先施高
座度勝受勅具宣聖旨該容欣悅開
筍出衣積為高座承佛威神如應說
法夫人該客及諸侍女疑解破惡得
道滿港度勝應時逮得持照堂惕
恨妬憤內發數語非一王反辱曰汝
輩效益言不及義被人操行執節可
貴照堂心思猶欲害之密白王曰恒
遣青衣往來佛所情蕩外交志溢邪
趣妄實僞良忠直忽數語不已王
頗惑之照堂心謀念曰伺子齋日之中
必矣伺其齋日因勸白王今日之樂宜
請右夫人王便普召被命皆會該客

中本起經卷第八

持齋獨不應命及覆三台教節不移
王怒隆威遣人搜出緇三殿前特欲
射煞該客不怖一心歸佛三目刺之
箭還向已後射轉還三時大懷惶怖
解焉而問之曰汝有何術乃致是耶
夫人對曰唯事如采歸命三尋朝奉
佛齋過中不食加行八事飾不近身
必是世尊哀願若茲王曰善哉豈可
言不當詣精舍覲見表虔會有敵國
與兵入界彼眾強盛王自出征願令
梵志名曰吉星權領國政照堂喜曰
吾父領政該客必矣王去之後女與
父謀燒煞該客及其侍女詐言失火
謂可掩塞事會發露王大意之斥從
吉星捐奔於外以其道士故令其命
照堂等輩幽之地害推逐邪道唐問
佛法

居士女歸心師焉詣女悲曰此人受
未斷吾賓客咸共興悲謀害毀害後
日迦羅復入其聚諸女同念皆以火
燒打擲迦羅舉身焦爛無所悔悛便
現神足飛升虛空眾女驚怖泣淚悔
過哀泣舉頭而陳情曰女子慈慈不
識至真群愚荒惑受辱神靈自悔過
疊罪惡若山願降神德以消重殃尋
聲即下而般溫溫諸女起塔供養舍
利世尊又曰于彼姪女該客等是也
罪福進人久無不報說是法時國內
大小信伏歡喜咸歸三尊受戒而退
佛與比丘還到舍衛止頓祇桓

釋迦牟尼佛作比丘尼品第九

今時佛遊於迦維羅衛國釋氏精舍與
大比丘僧千二百五十人俱是時大覺道
瞿曇行到佛所稽首作禮却住
一面又手白佛言我聞女人精進可得
沙門四道願得受佛法律我以居家有
信欲出家為道佛言且止瞿曇云無
樂以女人我法律服法衣者當自盡
清淨究觀梵行瞿曇云則復求哀
如是三三佛不肯聽便前作禮遶佛

中本起經卷第八

中本起經卷第八

而去其後不久佛時與諸大比丘俱從釋氏
精舍入迦維羅衛國大愛道聞佛從
諸弟子未入國中心大歡喜即行到佛
所執首佛足下大愛道復曰佛言我
聞女人精進可得沙門四道願得受佛
法律我以居家有信欲出家為道佛言
止止瞿曇無樂以女人入我法律服法
衣者當盡壽清淨究暢梵行大愛
道則復求哀如是我三佛不肯聽便
前作禮繞佛而去佛時與諸比丘留止
是國遮雨三月補成衣已著衣持鉢
出國而去大愛道即與諸老母等俱行
追佛佛行轉到那伽樹下河上大愛道便
前繞首作禮却住白佛言我聞女人
精進可得沙門四道願得受佛法律我
以居家有信欲出家為道佛言止止
瞿曇無樂以女人入我法律服法衣
者當盡壽清淨究暢梵行大愛道
則復求哀如是我三佛不肯聽便前作
禮繞佛而退住於門外被弊敗之衣徒
跣而立顏面垢穢衣服汗塵身體疲
勞益啼悲啼者阿難見伯母大愛
道如是即問言瞿曇無何因華衣徒

中本起經

第七品

跣面垢衣塵疲勞悲啼大愛道答言
賢者阿難今我用女人故不得受佛法
律是以自悲傷耳阿難言止止瞿曇云
且自寬意待我今入向佛說是事賢
者阿難即入執首佛足下長跪白佛
言我從佛聞女人精進可得沙門四道今
大愛道以至心欲受法律其已居家有
信欲出家為道願佛許之佛言止止阿
難無樂使女人入我法律為沙門也所以
者何阿難譬如族姓之家生子多女少
男當知是家以為衰弱不得大強盛也
今使女人入我法律者必令佛清淨梵
行不得久住譬如稻田禾稼具熟而有
惡露定氣則令善穀傷敗今使女人
入我法律者必令佛清淨大道不得久
興盛阿難復言今大愛道多有善意
佛初生時力自育養至于長大佛言有
是阿難大愛道信多善意於我有恩我
生七日而母終大愛道自育養我至于
長大今我於天下為佛亦多有恩德於
大愛道大愛道但由我故得來自歸佛
自歸法目歸比丘僧又信佛信法信比丘
僧不復疑苦不復疑習不復疑蓋不復
疑

中本起經

第三六冊

疑道方成其信成其禁戒成其多開成
其布施成其智慧亦能自禁制不殺生
不盜竊不淫佚不妄語不飲酒如是阿
難正使人終身相給施衣被飲食卧具
病困醫藥不及我此恩德也佛告阿難
假使女人欲作沙門者有八敬之法不
得踰越當以盡孝學而行之譬如防水
譬治堤塘勿漏而已其然如是者可入我
律我何謂八敬之法一者比丘持大戒
女人比丘尼當從受正法二者比丘僧
行大戒半月已上比丘尼當執事之三
者比丘僧比丘尼不得相與並居同止四
者三月止一歲自相揜押所聞所見當
自省察五者比丘尼不得訛問比丘僧
軍以所聞見若比丘僧有所聞見訛問
比丘尼比丘尼即當自省察六者比丘
尼有康幾於道法待問比丘僧經律之
重七者比丘尼自未得道若犯戒律當
半月詣眾中首過目悔以辜悔悔之態
八者比丘尼雖有百歲持大戒當三歲新
受大戒幼稚比丘僧下坐以謙敬為之
作禮是為八敬之法我教女人不得踰

起當以盡善學而行之假令大愛道密
能持此八敬法者能為沙門賢者阿難
受佛語已熟諦便作禮而出報大愛
道言瞿曇可勿復然已得捨家
之信去家就戒佛說女人作沙門
者有八敬之法不得踰越但當終
身勤意學行之耳持心當如防水
善治堤塘勿漏而已阿難便一一為
伯母說佛所教勅八敬之事言能
如是者可入佛法律大愛道即歡喜
而言唯諾阿難聽我一言辭如四
姓家女沐浴塗香衣莊嚴事而人
復欲利益之安隱不怖以好華香
珍寶結為瑇瑁持與其女豈不受樂
頭首受耶今佛所教勅八敬法者我
亦歡心願以首頂受之今時大愛
道便受大戒為比丘尼奉行法律遂
得應真然後異時大愛道比丘尼
與諸長老比丘尼俱行詣賢者阿
難而問言阿難是諸長老比丘尼
皆久修梵行且已見諦云何當使
為新受大戒幼少比丘僧作禮阿

難言小且待我今入問之阿難即入
替首佛足下白佛言大愛道比丘尼
言是諸長老比丘尼皆久修梵行
且已見諦云何當使為新受大戒幼
少比丘僧作禮佛言止止阿難當
慎此言勿得說也但汝所知不如我
知若使女人不於我道作沙門者
外諸異學梵志及諸居士皆當
以衣被布地求哀於諸沙門言賢
者有淨戒高行願行此去上令我
長得其福佛言阿難若使女人不
於我道作沙門者天下人民皆當
解緣布地求哀於諸沙門言賢者
有戒聞慧行願行此緣上令我長
得其福若使女人不於我道作沙
門者天下人民皆當豫具衣被飯
食卧床病瘦豎樂願諸沙門當自
來取之若使女人不於我道作沙
門者天下人民奉事沙門當如事
日月如事天神過踰於諸外道異
學者上若使女人不於我道作沙
門者佛之正法當千歲興盛佛德

語阿難以女人作沙門故使我法三
百歲而衰微所以者何阿難女人有
五家不能得作何等為五女人不
得作如來至真等正覺女人不得
作轉輪聖王女人不得作第二忉利
天帝釋女人不得作第六魔天王女
人不得作第七天梵天王夫此五處
者皆丈夫得為之耳丈夫得於天下
作佛得作轉輪聖王得作天帝釋
得作魔天王得作梵天王佛說是
已皆歡喜受行

度波斯匿王品第十

是時如來還舍衛國在祇樹給孤獨
園與比丘僧千二百五十人俱王波
斯匿心自念言佛是釋種出家慶山
以成無上正真等覺威景神妙天龍
鬼神無不宗仰為人說法上中下言
悉善其聞所說莫不歡喜開福塞禍
言入泥洹即便嚴出導徒如常至門
下草毘目俱前直揖却坐而白佛言
頃承釋子端坐六年道成号佛為實
余不是世所美乎佛語王曰吾真是

佛世不虛傳王復言曰瞿曇自稱爲佛故非佛也佛復答王過去久遠時世有佛名曰定光授拜言汝汝於來世九十一劫當得作佛字釋迦文有三十二相八十種好十八特妙之法十種神力四無所畏一事不足不名爲佛吾今具有故爲如來無所著正真覺也王迷情疑重實言曰瞿曇年少學日甚淺所以者何世有婆羅門修治水火精勤苦體不去晝夜九十六術靡不經涉年高德遠不蘭迦葉等六子輩名稱蓋世猶未得佛佛者實尊以是推之惟疑不信佛告王曰吾今爲王說法真諦善聽勿疑王曰善哉佛告王曰小有四事皆不可輕何謂爲四一者太子雖小當爲正君此不可輕二者小火燒草草盡乃止此不可輕三者龍子雖小能爲風雨雷電霹靂此不可輕四者道士雖小已入道要深妙之慧飛行教化度脫人民此不可輕於是世尊爲王而作頌曰太子福成當爲正君愚人輕慢

中本起經卷 第十一 佛

禍疊是生正由心出能重能輕宿行所得福自隨形能觀德本然後觀人道要以修大王思惟小火得草所燒無限須彌寶山亦從小起智者觀物無小無大過龍不遑小等害人比立破惡精進入禪道成神通度現度人見諦淨無垢已度三道剎佛出照世間爲衆除憂患

正聞正言垢重情蔽遺疑未悟前此佛足跡退還宮

無過思愛梵志復言吾見瞿曇向我說此二人答曰沙門瞿曇反世惑人慎無信焉國內愚者共嗤佛語乃上聞於王令王惑意便謂夫人夫人字末利便告之曰瞿曇可笑反論失理何有思愛而生憂悲耶夫人對曰佛不虛言其實如此也王復謂言汝尊瞿曇如是宗親其信而已夫人白王何不自往若達智目請啓所問驗世狂惑王聞其言即召智目鄒利繩汝持吾聲問瞿曇世人愚惑妄傳尊言橫言思愛而生憂悲恠其理乖是故遣信下承風化若佛有教汝諦受之目受王命即詣祇洹禮佛却住斯須進前長跪白言國主波斯匿稽首座前問所不解願見示導散告真言於是如來命目就坐而告之曰思愛之本淵流難盡憂悲之惱一由思愛又告大目吾今問卿意解便對辭如有人父母終亡妻子死盡財沒縣官此人憂惱可堪勝不大目對曰審如尊教又言大目古昔有人居貧窮困而其娶婦得富家女嬾慳無計日更

中本起經卷 第十一 佛

貧乏家困餉饋欲奪更嫁妻聞家議便以語夫我家勢強必當奪卿當作何計夫聞婦言將共入房令欲與共死一處即便刺婦還復自刺佛告那利繩恩愛相殺何但憂悲目受佛教札退還宮具宣尊旨王意不悟猶嗤此言復謂末利瞿曇何故正作此語夫人曰王欲啓一事願見於省三日便說夫人問曰彼方二鄰一名迦夷二名拘達盧若有白王云彼二國他王劫取王當云何王謂夫人吾之豐樂因此二國若有此問情用愛情夫人復言太子琉璃皇女金剛若疾若亡王當云何王答夫人此情難堪夫人問王此為恩愛生憂悲不賤妾醜陋得侍幃幃一旦病亡王當云何王答末利吾情迷荒命將不全夫人復言此為恩愛生憂悲不王意乃解即便下牀遙札祇洹歸命三尊懺悔謝過盡形竟命首戴尊教自愛品第十一

中本起經下卷 第三張 聯

于地却就王位佛問王言從何所來衣弊形瘦乎王即離席揮涕對曰國大夫人背棄天下侍送靈柩安指始還近承世尊願臨國難以氣悴貪得表災性煩愚闇情惑邪聲令始乃解明教至真憂悲皆由思受每惟道訓世所希聞於時世尊而告王曰復坐善聽王言唯諸佛言宋生受形無老無壯無衰無賤命盡之日無不分散譬若香華色無久鮮結實華落果熟離本須彌寶山劫盡壞爛大海深廣猶有枯竭人命危脆智者不估唯有修德精進履道佛時作頌曰命如草待熟常恐會零落以生皆有苦誰能致不死如河流駛疾往而沒大海人命亦如是逝者不復還

中本起經下卷 第三張 聯

佛告王曰遮迦越羅典領四域飛行案行七寶導從雖壽千年亦死過去諸天食福有賸自然至其祿盡亦復磨滅比丘破惡一心忌憚榮利不移志重若山神通真人猶復滅度如來出世權慧現身金剛德體明暉大千迴布三界濟度群生十力世雄猶現泥洹人生世間命不久停忽若電流如風過焉尊榮寶位其若夢矣推古驗今無始不終輪轉五道見諦反真佛為國王而作頌曰如河駛流性而不反人命如是逝者不還雖壽千年亦死過去合會有離無親可恃世皆有死三界無安諸天雖樂福盡亦夷志堅若地德重若山真人無垢寂然歸滅快哉福報所願皆成上寂大人自見泥洹於是波斯匿復白佛言何謂自愛何謂目護佛言善哉問也大王諦受人生於世四大合成性愚習癡殺盜婬欺不信道行此不自愛也習善行仁覺世非常信死更生情存三尊奉戒攝心信以篤道守札以讓孝順至誠此人屢世自愛者也積善履德身無枉橫志行脩明上天衛護無男無女衆行歸身兵刃不傷虎兇無害自護之方唯持戒行佛為波斯匿而作頌曰凡人為惡不能自覺愚癡快意後受熱毒生無善行死墮惡道往疾無間到無資用自愛身者慎護所守調心正體福應上天

中本起經下卷 第三張 聯

士有信行為聖所譽自愛如是
快解無憂惡行危身愚謂為易
善最安身愚人謂難信法奉戒
慧意能行上天衛之智者樂茲
仁愛不邪安止無憂能除惡怒
從是脫剝

王聞法言愚解望前受五戒群臣
從官皆發道心天龍鬼神歡喜樂聞
大迦葉始來品第十二

今時世尊在舍衛國祇樹給孤獨園
為眾說法天龍鬼神四輩弟子嚴整
具足於是摩訶迦葉垂髮弊衣始來
詣佛世尊遙見歡言善來迦葉豫分
半牀命令就坐迦葉進前頭面作禮
退跪自陳曰余是如來末行弟子願
命分坐不敢承旨大眾僉念此老道
士有何異德乃令世尊分坐命之此
人傷乃又唯佛明焉於是如來察眾所
念欲決所疑廣論迦葉大行齊聖世
尊又曰吾以四禪禪定息心從始至
終無有損耗迦葉比丘亦有四禪因禪
得定意吾以大慈仁愛一切迦葉體
性亦慈如此吾以大悲濟度眾生迦
葉比丘大悲如此吾以四禪三昧而自

中本起經下卷 第十三

娛樂無有晝夜何等為四一者無形
三昧二者無量意三昧三者清淨續
三昧四者不退轉三昧迦葉比丘亦
有是三昧吾本樂六通今已得六通
迦葉比丘亦得六通何等為六一者
四神足念二者悲知一切人意三者
耳徹聽四者見眾生本五者知眾生
所趣行六者諸漏皆盡今已無畏
三界獨尊吾以四定表章法御何等
為四一者解定二者智定三者慧定
四者戒定名色皆滅梵迹獨存無憂
慧想生死根斷迦葉比丘亦復如是
世尊又曰過去久遠時有聖王名文
隨竭高行暉世功勳感動初利天帝
欽其異德即遣車馬詣闕迎王王乘
天車忽然升虛天帝出迎與王共坐
娛樂盡歡送王還宮佛告比丘余時
天帝者大迦葉是也文隨竭王者則
是吾身往昔天帝以生死畏座令吾
並坐吾今以無上正真法御之座報
昔切德佛說本昔加以聖德顯比丘
迦葉一切解脫皆發無上正真道意
法教名遠莫不樂受
度奈女品第十三

中本起經下卷 第十四

佛從迦維羅衛國與千二百五十比
丘俱過拔耆國界度人民去至維耶
離詣奈氏樹園城中有女人名阿凡
和利問佛來化歡喜無量即便嚴出
與五百女人俱佛勅比丘端意恆頭
勿妄顧視色欲亂人唯道能制抑情
檢心智者必能令有女人名阿凡和
利與五百女人俱欲聽說法汝曹各
誑淨行持之勿放諸比丘唯諾受教
阿凡和利詣門下車叉手當心伛頭直
前頭面禮佛却就女位世尊告曰形
不久住色不久辭命如風過少壯必
衰勿恃容姿自屢汙行世間迷惑禍
起色欲三塗勤苦智者能開女聞佛
言心解欲止便發道意自歸三尊於
是阿凡和利退坐白佛不以女賤得
服法言願樂如來明日枉尊及比丘
僧願下薄食佛法默然已為許可起
以頭面作禮歡喜而去是時城中有
長者子五百同輩聞佛來垂訓止住奈
園即皆俱行詣佛聽法車馬服飾五
色輝煌出城詣園人從車馬寂然如
法詣門下車叉手直進禮拜陳情却
坐男位佛告族姓子榮位尊豪快

中本起經下卷 第十五

樂如意皆是前世福德所致今復見
佛功德增益諸長者子歡喜遠坐長
跪請佛明日屈尊氣臨蔬食佛便告
曰已先受請佛不二諸諸長者子復
白佛言不審請三姓字是誰佛言向
受阿凡和利請明日當往長者子白
佛此是國民豈得在先佛言族姓子
如來慈普不問尊卑諸長者子前礼
佛足辭退還家過告阿凡和利語曰
佛者至尊用一切故來化吾國飯佛
及僧吾等應先男尊女卑卿當在後
慎勿供辦故來相語女白長者子無
以豪強威力加弱也今乞四事若見
惠者不敢在先何謂四事一者乞令
我心保善莫移二者乞令我命保在
莫亡三者乞令財物保在無滅四者
乞令世尊常住教授莫誦餘國即謂
女曰善心叵保命亦如是非吾能辦
便相謂言此女福人先得飯佛乃覺
非常甚可喜樂中有年少耻甚出後
當共國之便勅市監罷不作市阿凡
和利遣婢市買了無所得還視庫藏
衆膳備具唯乏薪炭行求不得出庫
氈布香油灌之以供飯具明日至時

中本藏經下卷 第二十六卷

遣使白佛城門復開使還自言城門
不開知是諸長者子所作女自念言
法應遣使表白供辦云何得通便告
諸長者子輩舉弓射之奉使請佛威
神所接箭化作華便詣佛所飛住虛
空白佛言衆嚴畢辦唯願枉尊於時
衆祐法道威儀足蹈門闔天地震動
龍雨淹塵天樂下從諸音樂器自然
而鳴佛坐飯竟行澡水畢為說經法
五百長者子阿凡和利及五百女人
遠得法眼皆受五戒已佛與比丘僧
還詣奈氏國一切歡喜無不樂聞
左捷問疑品第十四

中本藏經下卷 第二十六卷

聞沙門呪願一切普得飽滿狼將大
衆來適飢國費損人食此大無益技
提弗受命而退即詣佛所瞻觀神德
威相赫然弟子法儀恂恂洋洋敬心
踊躍拱袖進前直揖却坐而白佛言
欲請一事願蒙授解佛言恣所欲問
拔提弗言伏聞瞿曇饒益一切令得
安隱而將大衆願臨飢國減損民食
費而無益佛告阿夷拔提弗言吾從
九十一劫以來未聞勸人為福損而
無益也吾聞尊貴富樂本起布施未
有唐捐費而不報也人行仁義現世
稱傳後得生天勸善代善福祐隨身
又告長者財有八危損而無益何謂
為八一者為官所沒二者盜賊劫奪
三者火起不覺四者水所沒溺五者
怨家債主攬見奪取六者日農不修
七者賈作不知便利八者惡子博掩
用度無道如是八事至危難保八禍
當至非力所制是故如來以此因緣
勸人布施安置福田深堅難動水火
盜賊不復得害壽終生天衣食自然
佛告長者真言至要化世愚惑若不

中本藏經下卷 第二十六卷

信者自毀人本墜墮三塗若能覺識改聞易行還神無為所向分明阿夷拔提弗聞佛說法情喜內定退坐自陳愚癡積惑未識正真所質非法實非鄙意屈捷所遣奉使不遜願佛垂恩原恕罪各佛言汝能自覺此福無量長者歡喜復白佛言情間難悟欲問所疑佛言隨意所問今當為汝事分別長者問曰伏聞如來慈等普救不審法教偏駁不等有得道者有不得者抱疑日久願尊開蒙佛言善哉問也諦聽諦受譬如農夫宿有二葉一田葉高燥肥沃二田葉下濕瘠薄於春和時等力與刃下種應節秋除草穢至秋獲實斗斛懸殊佛告長者人功不偏所取不等者地厚薄故也人聞吾法信受奉行如意所得喻如洩田所取無數今比丘比丘居優婆塞優婆塞者是也隨意入深神通無尋人聞道言背而不信喻如下田沒溺不生今六師居捷等是也世尊又曰譬如有人持器取水一器完牢二者穿壞若用受水完者恒滿穿者

漏盡人聞道教精進修勤奉戒不違嚴勅身口喻如完器所受無限人聞道法不受不信加行謗毀忘失人本還入惡道喻如穿器無所盛貯佛告長者宿命善行乃得見佛雖復身棄然不信道者譬如狂華落不成實拔提佛心喜稱善真言感神所說至誠便發無上正真道意受戒而退國內一切皆發道意六師邪術一皆毀廢天人龍鬼宣明法聲

佛食馬麥品第十三

於時佛從波和離國與千二百五十比丘俱還祇樹給孤獨園是時舍衛國界中間有郡名隨蘭然有遮羅門名同祇達多智明慧居富無比往詣阿難耶和家論議事訖問須達曰今此都下頗有神人可師宗者不須達答曰子未聞乎釋種子子出家為道道成号佛身色相好非世所見法戒雅正照除心垢神通明達知衆生原諸天龍神真不奉承每說法言精義入神非吾等燭所能宣陳阿耨達聞佛聖德五情內悅即問曰佛今所在可得見不答

曰近在祇洹開廣真言明日阿祇達往詣祇洹入門見佛威神光明敬心內發前札佛足却坐一面佛為說法歡喜踊躍即便退席請佛及比丘僧垂化照臨一時三月佛以神旨知往古因緣默然受請阿耨達得佛許可許退還國於是阿耨達還家嚴供燈世珍美是日世尊與五百比丘僧往詣隨蘭然時阿耨達天魔迷惑乾荒五欲一者寶飾二者女樂三者美食四者榮利五者色欲退入後堂告勅門士不得通客一時三月不問尊卑須吾有教如來到門閉而不通便止舍邊大蔕樹下佛告比丘僧此郡既飢人不好道各各自便隨利分衛舍利弗受勅獨升忉利天上日食自然衆僧分衛三曰空還時有馬師減麥飯佛及比丘僧阿難已得其麥以鉢受之心用悲疾日諸天名味國王供膳每謂其味不可尊口今得此麥甚為麤惡何忍持此供養佛乎持所得麥造一老母佛者至尊法御上聖今欲飯佛請母熟之功德無量母答阿難吾

今忿務不能得為比居一辱聞歎佛尊馳出求索阿難授之即時令熟佛食呪願阿難心結佛欲解之餘飯施獎百味香美非世所有阿難意解曰如來妙德不可思議

是時世尊欲誥拔耆國先使阿難往告阿耆達阿難受教即便往告阿耆達見阿難來意猶未悟即問阿難如來今為所在阿難報曰世尊在此余來三月前受卿請尊無二言一時已竟告別當去阿耆達聞佛垂化乃無供養悲怖交至即馳詣佛頭面作札而自陳言愚癡罪覆連失言信願佛慈悲恕原其重佛告梵志明汝至心阿耆達歡喜前白佛言願留七日得叙供養佛以歲至即便可之時日舍利弗從天來下歲節已過當詣耆國阿耆達取供養餘具遍散道中欲令佛蹈上而過佛告梵志飯具米糧是應食敬不宜足蹈佛受其施便為呪願而作頌曰

外道所修事精熟火為軍學問日益明衆義通為軍人所歸仰遠近越為軍

中本起經下卷 第三十二

江河泉源深大海深為衆泉星列空中日月明為衆佛出於世間受施為上衆阿耆達心悅結解逮得法眼淨國人大小皆發道心前礼佛足歡喜而退於時阿難承佛威神知諸比丘心中大疑因宜白佛如來神妙三達廣照知衆生念因緣所起不審何故食麥一時願佛開化散解衆疑佛告諸比丘過去久遠時有大國名曰盤頭越時世有王字曰頻頭王有太子名曰維衛出家學道道成爲佛猶名維衛相好威德諸佛法一所從比丘六万二千人俱時父王飯佛及比丘僧嚴飾幢幡極世之珍城內整頓燁燁煌煌時有梵志清潔德高從諸弟子因事入城顧問衆人有何異節光飾乃

余行人答曰頻頭王子得道号佛今日當來王及臣民供養故耳道士譽言世人甚逐捨棄甘饌食此人為如卿所說人者應食馬麦五百弟子同聲讚善中有一人而諫師曰師言非也若如彼言此人德尊應食天厨佛告諸比丘尔時高行梵志則吾身

中本起經下卷 第三十二

是也五百弟子今若曹是也時諫師者舍利弗是也吾種此栽於今始畢告諸比丘各護心口慎無放恣善惡隨人久而不捨宜修明行可從得道吾所償對於此了矣諸比丘聞經歡喜受戴奉行

中本起經卷下

甲辰歲高麗國大藏都監奉勅雕造

中本起經下卷 第三十二